



## Defnyddiwch y nodiadau hyn i'ch helpu i lenwi tudalennau Partneriaeth (byr) eich Ffurflen Dreth

Bydd y nodiadau hyn yn eich helpu i lenwi eich Ffurflen Dreth. Byddai o gymorth hefyd petai gennych gopi o'r Ffurflen Dreth Partneriaeth, sy'n cynnwys crynodeb o'ch enillion ar y Datganiad Partneriaeth.

Llenwch dudalen Partneriaeth ar gyfer bob partneriaeth yr ydych yn aelod ohoni ac ar gyfer bob partneriaeth busnes.

### Newid rhwng hunangyflogaeth a phartneriaeth

Peidiwch â llenwi blychau 3 a 4 os gwnaethoch newid o hunangyflogaeth i bartneriaeth, neu o bartneriaeth i hunangyflogaeth, rhwng 6 Ebrill 2025 a 5 Ebrill 2026.

Er mwyn cyfrifo eich elw neu golled llenwch y tudalennau 'Partneriaeth (byr)' gan ddefnyddio:

- manylion o'r Datganiad Partneriaeth
- blychau 9 i 32 ar y tudalennau 'Hunangyflogaeth (byr)' neu flychau 15 i 76 ar y tudalennau 'Hunangyflogaeth (llawn)'

### Eich enw a Chyfeirnod Unigryw y Trethdalwr

Os gwnaethoch argraffu copi o'r tudalennau 'Partneriaeth (byr)' o'r wefan, rhowch eich enw a Chyfeirnod Unigryw y Trethdalwr (UTR) yn y blychau ar frig y ffurflen. Mae eich UTR ar y Datganiad Partneriaeth.

### Manylion y bartneriaeth

#### Blwch 1 Cyfeirnod y bartneriaeth

Rhowch gyfeirnod treth y bartneriaeth yn y blwch. Os ydych yn bartner mewn partneriaeth dramor, rhowch eich UTR eich hun ym mlwch 1.

#### Blwch 3Q A ddaethoch yn bartner yn y bartneriaeth hon ar ôl 5 Ebrill 2025?

Os daethoch yn bartner yn y bartneriaeth hon ar ôl 5 Ebrill 2025, rhowch 'X' yn y blwch 'Iawn'. Os daethoch yn bartner cyn 6 Ebrill 2025, rhowch 'X' yn y blwch 'Na'.

#### Blwch 3 Os daethoch yn bartner ar ôl 5 Ebrill 2025, nodwch y dyddiad y gwnaethoch ymuno â'r bartneriaeth

Os daethoch yn bartner rhwng 6 Ebrill 2025 a 5 Ebrill 2026 a gwnaethoch ateb 'Iawn' ym mlwch 3Q, rhowch y dyddiad y gwnaethoch ymuno ym mlwch 3. Os nad ydych eisoes wedi cofrestru fel partner at ddibenion Hunanasesiad a chyfraniadau Yswiriant Gwladol (CYG) Dosbarth 2, rhaid i chi wneud hynny nawr.

**i** I gael rhagor o wybodaeth, ewch i [www.gov.uk/cofrestru-ar-gyfer-a-chyflwynoch-ffurflen-dreth-hunanasesiad/cofrestru-os-ydych-yn-hunangyflogedig](http://www.gov.uk/cofrestru-ar-gyfer-a-chyflwynoch-ffurflen-dreth-hunanasesiad/cofrestru-os-ydych-yn-hunangyflogedig)

#### Blwch 4Q A wnaethoch roi'r gorau i fod yn bartner yn y bartneriaeth hon ar ôl 5 Ebrill 2025 ond cyn 6 Ebrill 2026?

Os gwnaethoch roi'r gorau i fod yn bartner yn y bartneriaeth hon ar ôl 5 Ebrill 2025 ond cyn 6 Ebrill 2026, rhowch 'X' yn y blwch 'Iawn'. Os nad yw'ch busnes wedi dod i ben, rhowch 'X' yn y blwch 'Na'.

#### Blwch 4 Os gwnaethoch adael y bartneriaeth ar ôl 5 Ebrill 2025 a chyn 6 Ebrill 2026, nodwch y dyddiad y gadawsoch

Os gwnaethoch roi'r gorau i fod yn bartner cyn 6 Ebrill 2026 a gwnaethoch ateb 'Iawn' ym mlwch 4Q rhowch y dyddiad y gwnaethoch adael y bartneriaeth ym mlwch 4. Rhowch wybod i ni cyn gynted â phosib fel nad ydych yn talu gormod o dreth.

**i** I gael rhagor o wybodaeth, ewch i [www.gov.uk/rhoir-gorau-i-fod-yn-hunangyflogedig](http://www.gov.uk/rhoir-gorau-i-fod-yn-hunangyflogedig)

### Eich cyfran chi o elw masnachu neu broffesiynol y bartneriaeth

I gael help i gyfrifo'ch elw trethadwy, i gyfrifo'ch cyfnod sail neu i gyfrifo'ch rhyddhad gorgyffwrdd, ewch i [www.gov.uk](http://www.gov.uk) a chwilio am 'HS222'.

#### Blwch 8 Eich cyfran chi o elw neu golled y bartneriaeth

Copiwch y ffigur o flwch 11 neu 12 ar eich Datganiad Partneriaeth a rhowch hwn ym mlwch 8. Os gawsoch fwy nag un Datganiad Partneriaeth ar gyfer yr un fasnach partneriaeth ar gyfer y flwyddyn dreth hon, rhowch y ffigur o'r Datganiad Partneriaeth diweddaraf ym mlwch 8 a nodwch unrhyw addasiadau sydd eu hangen ym mlwch 9. Os gwnaethoch golled, rhowch arwydd minws yn y blwch tywyll o flaen eich ffigur.

### **Blwch 9 Addasiad lle daeth cyfnod cyfrifyddu'r bartneriaeth i ben cyn 31 Mawrth 2026 neu pan fo cyfnod cyfrifyddu'r bartneriaeth yn llai na 12 mis**

Mae'n bosibl y bydd angen i chi adio'r symiau o'ch Datganiad Partneriaeth at ei gilydd, neu ddsrannu'r cyfanswm, i gyfrifo'ch cyfradd chi o elw neu golled y bartneriaeth ar gyfer y flwyddyn dreth.

Mae'n bosibl y bydd angen i chi hefyd ddod o hyd i fanylion eich cyfran chi o elw neu golled y bartneriaeth os nad oes Datganiad Partneriaeth wedi cael ei baratoi ar gyfer y cyfnod cyfrifyddu dan sylw. Rhowch unrhyw addasiadau i'ch cyfran chi o elw neu golled y bartneriaeth ym mlwch 9.

### **Blwch 10 Addasiad ar gyfer newid arfer cyfrifyddu**

Copiwch y ffigur o flwch 11A ar y Datganiad Partneriaeth. Mae addasiad ar adael y sail arian parod wedi'i rannu ar draws 6 blwyddyn dreth – codir treth ar un rhan o chwech o'r incwm addasiad bob blwyddyn. Gallwch ddewis cyflwyno'r tâl treth ar yr incwm addasiad hwn.

### **Blwch 11 Addasiad cyfartalu**

Os yw eich hawliad cyfartalu yn newid eich elw, rhowch swm y newid ym mlwch 11. Os yw'r hawliad yn gostwng eich elw trethadwy, rhowch arwydd minws yn y blwch tywyll.

**i** I gael gwybodaeth am ffermwyr a garddwyr masnachol, ewch i [www.gov.uk](http://www.gov.uk) a chwiliwch am 'HS224'.  
I gael gwybodaeth am gyfartalu ar gyfer y sawl sy'n creu gweithiau llenyddol neu artistig, ewch i [www.gov.uk](http://www.gov.uk) a chwilio am 'HS234'.

### **Blwch 12 Treth dramor a hawlir fel didyniad**

Gallwch hawlio ar gyfer y dreth dramor rydych eisoed wedi'i thalu ar eich incwm ar yr amod nad ydych yn hawlio Rhyddhad Credyd Treth Tramor. Ni allwch hawlio'r ddau.

**i** I gael rhagor o wybodaeth am Ryddhad Treth Credyd Dramor, ewch i [www.gov.uk](http://www.gov.uk) a chwilio am 'HS263'.

### **Blwch 16 Elw wedi'i addasu ar gyfer 2025-26**

Defnyddiwch y daflen waith ar dudalen SPN 4 y nodiadau hyn er mwyn cyfrifo eich elw wedi'i addasu. Os ydych wedi gwneud colled, rhowch '0' ym mlwch 16 a rhowch swm y golled ym mlwch 21.

### **Blwch 17 Colledion a ddygwyd ymlaen o flynyddoedd cynharach a wrthbwyswyd yn erbyn elw'r flwyddyn hon**

Os gwnaethoch golled yn y blynyddoedd treth cynharach rhowch y swm ym mlwch 17. Rhaid i hwn beidio â bod yn fwy na'r swm ym mlwch 16.

### **Blwch 18 Elw trethadwy ar ôl dwyn colledion ymlaen**

Defnyddiwch y daflen waith ar dudalen SPN 4 y nodiadau hyn er mwyn cyfrifo'r elw trethadwy. Os oedd gennych elw, rhowch y ffigur sydd ym mlwch K ym mlwch 18.

### **Blwch 19 Unrhyw incwm arall y busnes nas cynhwyswyd yng nghyfrifon y bartneriaeth**

Dyma incwm sydd wedi'i dalu i chi, nid i'r bartneriaeth, megis incwm proffesiynol a gafwyd mewn rhinwedd bersonol.

### **Blwch 20 Eich cyfran chi o gyfanswm elw trethadwy o fusnes y bartneriaeth ar gyfer 2025-26**

Defnyddiwch y daflen waith ar dudalen SPN 4 y nodiadau hyn er mwyn cyfrifo eich cyfran chi o gyfanswm yr elw trethadwy. Os gwnaethoch elw, rhowch y ffigur sydd ym mlwch M ym mlwch 20.

### **Eich cyfran chi o golledion masnachu neu broffesiynol y bartneriaeth**

Mae'n bosibl y gallwch hawlio rhyddhad treth ar gyfer eich cyfran chi o unrhyw golledion y bartneriaeth.

Os ydych eisoed wedi gwneud hawliad ar gyfer eich colled yn y flwyddyn dreth 2025 i 2026 dylech gynnwys y golled ym mlychau 22 i 24 a rhoi'r manylion i ni o dan 'Unrhyw wybodaeth arall' ar dudalen TR 7 eich Ffurflen Dreth.

**i** I gael gwybodaeth am golledion, ewch i [www.gov.uk](http://www.gov.uk) a chwilio am 'HS227'.

### **Blwch 21 Colled wedi'i haddasu ar gyfer 2025-26**

Defnyddiwch y daflen waith ar dudalen SPN 4 y nodiadau hyn er mwyn cyfrifo a oedd gennych golled wedi'i haddasu ar gyfer y flwyddyn dreth 2025 i 2026.

### **Blwch 22 Colled o'r flwyddyn dreth hon a wrthbwyswyd yn erbyn incwm arall ar gyfer 2025-26**

Rhowch unrhyw golled ar gyfer y flwyddyn dreth hon yr hoffech ei defnyddio yn erbyn incwm y flwyddyn dreth hon ym mlwch 22. Ni all y swm y cynhwyswyd ym mlwch 22 for yn fwy na chyfanswm eich incwm arall ar gyfer y flwyddyn dreth hon. Mae swm y rhyddhad treth y gallwch ei hawlio yn erbyn cyfanswm eich incwm bob blwyddyn wedi'i gyfyngu i'r swm sydd fwyaf, naill ai £50,000 neu 25% o gyfanswm eich incwm wedi'i addasu.

Os oes gennych unrhyw golled nas defnyddiwyd sy'n weddill, gallwch hawlio balans eich colled yn erbyn unrhyw enillion cyfalaf ar gyfer y flwyddyn dreth 2025 i 2026 neu llenwch flwch 23 neu flwch 24.

Y dyddiad cau ar gyfer hawlio yw 31 Ionawr 2028.

**i** I gael rhagor o wybodaeth am y terfyn ar Ryddhad Treth Incwm, ewch i [www.gov.uk](http://www.gov.uk) a chwilio am 'HS204'.

### **Box 23 Colled i'w chario'n ôl i flynyddoedd blaenorol a'i gwrthbwysu yn erbyn incwm (neu enillion cyfalaf)**

Gallwch gario colledion yn ôl i'w defnyddio yn erbyn:

- incwm ar gyfer y flwyddyn dreth 2024 i 2025 – os yw eich colled yn fwy na'ch incwm gallwch ddefnyddio'r golled sy'n weddill yn erbyn enillion cyfalaf 2024 i 2025
- incwm y 3 blwyddyn dreth flaenorol – dechreuwch gyda'r flwyddyn gynharaf – dylech wneud yr hawliad hwn dim ond os dechreuodd eich busnes ar ôl 5 Ebrill 2022
- elw'r busnes hwn yn ystod blwyddyn dreth 2025 i 2026 a'r 3 blwyddyn dreth flaenorol – dechreuwch gyda'r flwyddyn ddiweddaraf – dylech wneud yr hawliad hwn dim ond os daeth eich busnes i ben yn ystod blwyddyn dreth 2025 i 2026. Mae'ch hawliad ar gyfer y colledion yn ystod 12 mis olaf y busnes (rhyddhad colled terfynol)

Bydd angen i chi hefyd roi manylion i ni o'r swm a hawliwyd ar gyfer pob blwyddyn o dan 'Unrhyw wybodaeth arall' ar dudalen TR 7 eich Ffurflen Dreth. Y dyddiad cau ar gyfer hawlio yw 31 Ionawr 2028.

**i** I gael rhagor o wybodaeth am golledion terfynol, ewch i [www.gov.uk](http://www.gov.uk) a chwilio am 'HS222'.

### **Blwch 24 Cyfanswm y golled i'w chario ymlaen ar ôl gwrthbwysu eraill**

Gallwch gario unrhyw golled nas defnyddiwyd ymlaen er mwyn ei gwrthbwysu yn erbyn unrhyw elw o'r un busnes yn y dyfodol. Os gwnaethoch hawlio yn flaenorol unrhyw golledion heb eu defnyddio eisoes, dylech eu cynnwys ym mlwch 24. Y dyddiad cau ar gyfer hawlio yw 5 Ebrill 2030.

### **Cyfraniadau Yswiriant Gwladol Dosbarth 2 a Dosbarth 4**

#### **Blwch 25 Rhowch 'X' yn y blwch os yw cyfanswm eich elw ar gyfer 2025 i 2026 yn llai na £6,845 ac rydych yn dewis talu CYG Dosbarth 2 yn wirfoddol**

Os yw'ch elw trethadwy yn llai na £6,845 neu eich bod wedi gwneud colled, gallwch ddewis talu CYG Dosbarth 2 yn wirfoddol er mwyn gwarchod eich Pensiwn y Wladwriaeth a budd-daliadau penodol.

Os yw'ch elw trethadwy yn £6845 neu'n fwy, ni fydd angen i chi dalu CYG Dosbarth 2, caiff eich cyfraniadau eu trin fel pe baent wedi'u talu er mwyn gwarchod eich hawl i Bensiwn y Wladwriaeth a budd-daliadau penodol.

Mae'n rhaid i chi eisoes fod wedi eich cofrestru fel partner er mwyn i'ch cyfraniadau Yswiriant Gwladol Dosbarth 2 gael eu trin fel rhai sydd wedi'u talu, neu i'w talu'n wirfoddol.

Os ydych wedi eich cofrestru ar gyfer Hunanasesiad ond ddim wedi eich cofrestru'n hunangyflogedig, ewch i [www.gov.uk/cofrestru-ar-gyfer-a-chyflwynoch-ffurflen-dreth-hunanasesiad/hunangyflogedig](http://www.gov.uk/cofrestru-ar-gyfer-a-chyflwynoch-ffurflen-dreth-hunanasesiad/hunangyflogedig)

Os ydych yn gyflogedig ac yn hunangyflogedig, mae'n bosibl y gallwch dalu swm is o CYG Dosbarth 2, yn dibynnu ar swm yr Yswiriant Gwladol Dosbarth 1 rydych yn ei dalu o'ch cyflog. I gael rhagor o wybodaeth, ewch i [www.gov.uk/yswiriant-gwladol/faint-rydych-chin-talu](http://www.gov.uk/yswiriant-gwladol/faint-rydych-chin-talu)

Rhowch 'X' ym mlwch 25 os ydych am dalu CYG Dosbarth 2 yn wirfoddol. Ni allwch dalu CYG Dosbarth 2 yn wirfoddol drwy Hunanasesiad ar ôl 31 Ionawr 2027.

**i** I gael rhagor o wybodaeth, ewch i [www.gov.uk/cyfraniadau-yswiriant-gwladol-gwirfoddol](http://www.gov.uk/cyfraniadau-yswiriant-gwladol-gwirfoddol)

### **Blwch 26 Os ydych wedi eich eithrio rhag talu cyfraniadau Yswiriant Gwladol Dosbarth 4**

Nid oes angen i chi dalu CYG Dosbarth 4 os yw'r canlynol yn berthnasol:

- gwnaethoch gyrraedd oedran Pensiwn y Wladwriaeth cyn 6 Ebrill 2025
- roeddech o dan 16 oed ar 6 Ebrill 2025
- nid oeddech yn preswyllo yn y DU at ddibenion treth yn ystod blwyddyn dreth 2025 i 2026

Dylech roi 'X' ym mlwch 26 dim ond os ydych wedi eich eithrio.

**i** I gael gwybod beth yw'ch oedran Pensiwn y Wladwriaeth, ewch i [www.gov.uk/calculate-state-pension](http://www.gov.uk/calculate-state-pension)

**i** I gael rhagor o wybodaeth am Yswiriant Gwladol, ewch i [www.gov.uk/yswiriant-gwladol](http://www.gov.uk/yswiriant-gwladol)

### **Blwch 27 Addasiad i elw sy'n agored i gyfraniadau Yswiriant Gwladol Dosbarth 4**

Gall rhai addasiadau ostwng swm y cyfraniadau Yswiriant Gwladol Dosbarth 4 y mae'n rhaid i chi ei dalu. Rhowch ym mlwch 27 swm unrhyw:

- addasiadau oherwydd newid i'ch sail cyfrifyddu
- colledion o flynyddoedd cynharach
- enillion cyflogaeth wedi'u cynnwys yn eich elw
- incwm sy'n cael ei ddiystyru at ddibenion CYG Dosbarth 4

**i** I gael rhagor o wybodaeth am addasiadau cyfraniadau Yswiriant Gwladol Dosbarth 4, ewch i [www.gov.uk](http://www.gov.uk) a chwilio am 'HS220'.

## Eich cyfran chi o'r dreth a dalwyd a didyniadau gan y bartneriaeth

### Blychau 30 a 31

Defnyddiwch eich Datganiad Partneriaeth a chopiwch:

- y ffigur ym mlwch 24 i flwch 30
- y ffigur ym mlwch 24A i flwch 31

### Rhagor o gymorth os bydd ei angen arnoch

I gael copiau o unrhyw Ffurflenni Treth neu daflenni cymorth, ewch i

[www.gov.uk/ffurflenni-a-thaflenni-hunanasesiad](http://www.gov.uk/ffurflenni-a-thaflenni-hunanasesiad)

Gallwch ffonio Gwasanaeth Cwsmeriaid Cymraeg CTheF ar 0300 200 1900 i gael help gyda'ch Ffurflen Dreth.

Mae gennym ystod o wasanaethau ar gyfer pobl anabl, gan gynnwys arweiniad mewn Braille, ar sain ac mewn print bras. Mae'r rhan fwyaf o'n ffurflenni hefyd ar gael mewn print bras. Ffoniwch ein llinellau cymorth am fwy o wybodaeth.

### Taflen Waith

Elw neu golled blwch 8  
(dangoswch golled yn negyddol) **A** £

#### Plws

Addasiad positif blwch 9 **B** £

**Cyfanswm** blwch A plws blwch B **C** £

#### Llai

Addasiad negyddol blwch 9

Treth dramor blwch 12 = **D** £

**Cyfanswm** blwch C llai blwch D **E** £

### Os yw Blwch E yn positif

Blwch 10 **F** £

#### Plws

Addasiad positif blwch 11 **G** £

#### Neu lai

Addasiad negyddol blwch 11 **H** £

**Elw wedi'i addasu** - copiwch i flwch 16  
(adiwch flychau E, F plws blwch G neu lai blwch H) **I** £

#### Llai

Blwch 17 - hyd at y swm ym mlwch I **J** £

**Cyfanswm** blwch I llai blwch J **K** £

#### Plws

Blwch 19 **L** £

**Cyfanswm** - copiwch i flwch 20  
(blwch K plws blwch L) **M** £

### Os yw blwch E yn golled neu'n sero

Copiwch flwch E i flwch 21 fel ffigur positif.

Peidiwch â chynnwys yr arwydd minws ym mlwch 21.

Arweiniad yn unig yw'r nodiadau hyn sy'n adlewyrchu'r sefyllfa ar adeg eu hysgrifennu. Nid ydynt yn effeithio ar yr hawl i apelio.